

普善堂增建安良所劝捐小引

窃以堂开普善，创自当年；所为安良，基于此曰。善期必普，民贵乎安。想我普善堂之设也，众善奉行，有志未逮。况复华夷交掇，舟接香江；男妇流离，时当东道。比我邻郡之失所男妇，蒙保良局而发落者不可胜数也。彼既失足于前，宜筹安良于后。保良之局既拯垂危，安良之区，亟宜划策。为长为幼，或女或男，经发落能不豫为之所以安之乎？

惜乎堂因偏小，踟躇难容；礼本肃严，男女有别，思借栖之有地，正构造之未遑。惟愿大宰官身（绅），诸善男女，知为善之最乐，信积福之有基，勿吝肥囊，彼众裘之易集；共擎广厦，免独木之难支，□此内无怨女，外无旷夫，先王之仁政复兴，善者之福禄靡既也，是为引。

（摘自北海市志办历史资料卷4）